

茂名縣志卷之十二

人物

扶輿鬱積之所鍾於物爲尤於人爲傑茂雖僻在嶺西邑疆蕞爾而自前志數百年以來或以節誼或以文章卓卓顯著者代不乏人至乃匿景藏名無所表異而一二之善口碑藉藉彌久不衰猶足以激昂人心砥厲風俗區而錄之蓋勿嫌從長之取云爾志人物

唐馮盎字明達其先北燕馮宏失國奔高麗遣子業泛

茂名縣志

卷之十二

人物

一

海歸晉因留於廣至孫融爲羅州刺史融子寶高涼太守寶子僕石龍太守生盎隋仁壽初盎爲宋康令潮成等五州獠叛盎馳至京師請討之帝詔左僕射楊素與論賊形勢素奇之曰不意海陬中有是人帝卽詔盎發江嶺兵擊賊平之以功拜漢陽太守從煬帝伐遼東遷左武衛大將軍隋亡奔還嶺表番禺新興悍賊高法澄洗寶徹等劫殺官吏盎率兵破之寶徹兄子智臣復聚衆拒戰盎進討兵始合釋胄大呼曰若等識我耶賊衆委戈肉袒而拜竟擒寶徹智臣

等遂有番禺蒼梧朱厓等地自號總管或說曰隋季崩蕩海內震騷唐雖應運而風教未孚嶺越一隅無所繫屬公克平二十州拓地數千里名位未正請上南越王號盜曰吾居越五世矣牧伯惟我一姓子女玉帛吾有也人生富貴如我希矣常恐忝先業敢自王哉武德五年始以地降高祖析爲高羅春白厓儋林振八州授盜上柱國高州總管封吳國公拜其子智戴爲春州刺史智彘爲東合州刺史盜徙封耿貞觀初或告盜叛太宗召右武衛將軍藺謩討之魏徵

曰天下初定瘡痍未復大兵之餘疫厲必作王者兵不宜遠動且盜不當未定時畧州縣搖遠蠻今四海已平尙何事反懷之以德盜必自來帝乃詔常侍韋叔諧諭盜盜遣子智戴入侍帝曰徵一言賢於十萬衆時謩兵已出欲遂有功屬副將上盜可擊狀帝不許罷之五年盜來朝宴賜甚厚俄而羅竇諸峒獠叛盜奉詔率衆二萬爲諸軍先鋒賊據險不可攻盜持弩語左右曰矢盡勝負可知矣發七矢斃七人賊退走盜縱兵乘之斬首千餘級帝詔智戴還慰賜予甚

厚奴婢至萬人盜善爲治閱簿最摘奸伏得民懽心卒贈左驍衛大將軍荊州都督智戴勇而有謀能撫衆得士死力酋帥皆樂屬之智戴入朝帝勞賜加等授衛尉少卿帝聞其善兵指雲問曰下有賊今可擊乎對曰雲狀如樹方辰在金金利木柔擊之勝帝竒其對遷左武衛將軍卒贈洪州都督盜曾孫高力士嶺南討擊使李千里以爲闍兒進之武后武后賜高延福爲假子遂從其姓元宗時貴寵用事累加右監門衛大將軍帝之立太子決於力士一言其母麥氏

在潘州力士迎歸而不相識母曰兒胸前七黑子在否又出金環曰此兒幼所服也遂相持哭帝封麥氏爲越國夫人力士後從帝幸蜀進齊國公及還京爲李輔國所搆流巫州其地多薺而不食力士感而詠曰兩京秤觔買五京無人採夷夏雖不同氣味終不改會赦歸見二帝遺詔號慟嘔血卒陪葬泰陵

舊志論曰馮氏之先國於北燕國沒遣子入廣而昌大於粵者六七世保境安民厥功爛焉與漢河西竇氏宋吳越錢氏頡芳媲美若趙陀亦傳世五

葉然陀則生稱武帝泊其後且勞師殘民以終非  
馮之倫矣馮之德澤綿遠智戴智彘及盜孫高力  
士猶能奮其才智著爲功名豈非保境安民之明  
驗哉然統考其實皆夫人洗氏之力也

宋潘惟賢邑人淳平間爲本縣尹元兵抵高州幼主渡  
海至那黎溝賢奉命守禦敵勢猖獗人爭降附賢仰  
天大慟有從容勸諭之者賢憤然厲聲曰忠臣不事  
二君我爲宋臣當爲宋鬼耳及被執憤罵不屈竟爲  
所害祀名宦鄉賢

茂名縣志

卷之十二

人物

四

潘斗輔有奇節父惟賢爲本縣尹被元兵執至寨斗  
輔備金求贖不受請以身代不從而竟殺其父斗輔  
怒持劍趨寨殺賊或止之斗輔哭曰爲子死孝萬一  
藉此劍剗賊之腹庶幾可以報父讐不然願隨父於  
地下耳弟梅窗欲俱往斗輔止之曰汝宜存祀母俱  
隕也竟赴賊而死聞者哀焉

前志不載祀鄉賢而祠  
有位

梁楚電白堡人紹興中攝廉州博白令交寇犯境堅  
守孤城引弓連斃數賊城破被執賊以火炙楚楚罵  
不絕口而死高宗嘉其節贈禮部侍郎

祀府鄉賢府  
志載電人

梁義夫下保寧鄉人有卓行博通經史少負時名當路以偉器期之值元興屏跡山間臨沒命其子書宋

梁義夫之墓

祀鄉賢

明黃子平洪武乙丑進士仕山東雲南京畿三道御史

正色立朝不畏強禦以激揚著名時稱真御史云

按子

平舊志無傳選舉名下注云茂名人電白學不注祀鄉賢通志府志選舉皆載茂名惟府志傳載電白今

邑鄉賢祠有位

李學曾字宗魯宏治壬戌進士由進賢令擢禮科給事中謝病歸田聚徒授易里居十有五年以薦起晉

茂名縣志

卷之十二

人物

五

吏科都給事中每奏事吐詞琅琅朝端悚聽外官入覲多夤緣內補學曾盡指其名劾之詞嚴義正聞者皆悚慄刑部尚書孟鳳自愧不如也世廟入繼大統議禮忤旨遂謝病歸事見明史張璁傳里居蔬食菲衣蕭然自適後起大理寺少卿力辭不就崇祀進賢名宦本府鄉賢著有鶴林遺稿

張孟學字伯高正德明經任袁州訓導逆窺宸濠之

變見幾致仕杜門不入公府郡守鄭公炯慕之每造

其廬太史程公文德謫尉信宜與作忘形友

鄉賢有位而前

志無  
文

李一迪字君哲學曾從子登嘉靖乙丑上第初守彝陵政聲藉甚州人祀焉以失權貴權移杭郡丞視篆力均田法擢留曹司權楊關以廉能著及僉憲粵西征羅旁八寨有功陞金衢副使約定奩聘禮民間始無溺女者終以不能媚權貴而歸居鄉謹厚撫孤恤貧常捐囊代貧宗逋官者客有貸二萬緡厄於商焚券不問復周之著有拙宦存稿

祀鄉賢

黃鵬嘉靖間司訓昌化擢南京國子監學錄所過以

茂名縣志

卷之十二

人物

六

禮義範士葺文廟賑貧儒皆捐俸爲之家居二十七年鄰里鄉黨多被德化叅知朱公東光旌其閭曰積

德

鄉賢有位但前志無文

李之喬少工書法爲郡守吳公國倫所拔士尋以明經教授惠州與楊復所太史稱道學交居鄉寧靜不事交遊日惟臨池賦詩至老不倦應賓席者九七十三年而卒

馮名望萬歷丙子第三名舉人初任揭山教諭遷國子監學錄前後創田建齋著書訓士尋擢兵部司務

薦用名將陳璘後有大功舉朝稱其知人後祀鄉賢  
國朝梁雍郎字衍邵號節庵雍正壬子舉人授國子監  
學正少孤事繼母以孝聞羣從兄弟十人友愛無間  
俱負時名常傲袁了凡功過格分言行思三目日記  
得失務與聖賢爲徒於書無所不覽爲文雄博俊偉  
自諸生時太守魏公男鄭公梁皆負當代重望咸亟  
稱賞之與修郡邑誌文獻賴以不墜公車歷遊南北  
所至有聲粵中名士韓橋村謝耳溪輩羣推爲文學  
祭酒建宗構譜賙孤恤貧以誠懇感化鄉邦易簣之

茂名縣志

卷之十二

人物

七

日知與不知無不流涕會試兩中明通榜不第以子

聯德封文林郎年七十一卒

乾隆己卯脩府志合邑  
請祀鄉賢府祠有位

梁聯德字惇一號恒峰國子學正雍郎子舉雍正癸

卯鄉試丁未成進士知江西興國縣以卓異薦調宜

黃有聲績所爲詩古文倣詭獨造無所因循然尤篤

於孝弟天性好施與年四十以憂去官遂不復仕立

義田以贍其族教養兼備捐石鼓墟租值千金充書

院膏火郡士賴之年七十六卒

忠烈

明林雄符瓊成化初流賊四起林雄與符瓊倡義保障鄉里謀翼劉太守卒全郡城從孔太守破諸賊寨皆勇奪先鋒竟以力盡中矢仆猶拔箭挺身而戰歿於陣後配孔公祀義壯祠郡守歐陽烈爲之記

國朝江濤由行伍歷官至貴州册亨守備嘉慶二年正月狎苗爲亂圍攻南籠册亨貞豐比近之州郡皆戒嚴濤時攝遊擊貞豐守兵百三十餘人糧食乏絕賊集如雲濤與知州明安泰納提標叅將鄒寬援兵二百餘併力拒守凡七閱月後雲貴兩廣大軍至賊平

茂名縣志

卷之十一 人物

八

奏於

朝濤以守禦功擢遊擊卽眞賞戴花翎創劇乞休奉旨以原品休致賞給遊擊全俸俾養餘年方事之殷濤妻陳氏與六子一女在册亨守備署册亨城卑小守兵裁六十八人子其伯年十九其紹年十七拒守北城與賊相持四十三日北城破伯紹禦賊死陳與子其明其裕其本其立女閨成婢蕭氏闔戶自焚時二月二十一日也濤旣一家覆沒又以禦敵故石傷足然猶灑泣力疾厲氣身先士卒不少懈以此有功濤字



瀾亭誥授武翼都尉陳氏封淑人與其六子一女一婢皆奉

旨旌表建坊陳與閨成祀節孝祠其伯等祀忠義孝弟祠  
別有傳濤再娶陳氏亦封淑人晚得子其會

江其伯其紹其明其裕其本其立皆濤子其伯其紹  
禦賊死其明其裕其本其立皆徇母死並奉

旨旌表建坊於忠義孝弟祠設位致祭事見濤及陳氏傳  
蘇衛疆張祿馮連嘉慶六年同以把總出師川陝剿  
匪打仗陣亡奉

茂名縣志

卷之十一 人物

九

旨各賞銀一百兩給與雲騎尉世襲罔替祀昭忠祠

孝義

元李可宗幼自豫章隨父遊粵父卒於旅邸哀感行路  
族人梅憲居高州藉以存撫稍長事梅憲如父事憲  
父如祖比沒爲建祠置嘗俾世世祀以報德焉遭元  
末亂離躬負父骸間關險阻還殯於先塋隨携姪震  
反粵教養成名其訓子孫立家法雖一時草創皆有  
百世之思自號樂善居士以子福壽貴贈宜山縣教

諭

明梁琚字國器善事繼母庶弟幼失母撫教如子以已業半讓之由貢歷德府長史乞假歸省墓不復之官家居不事干謁澹泊如寒素鄉評重之

馮宸字元樞性至孝友能得父母歡家貧以庠生所得廩餼悉供甘膳伯仲有難身救之太史程文德稱爲門下高弟由貢選上猶訓導奔母喪以毀卒

吳中綸孝事父母存歿不違及二人下世撫二幼弟中時中述教養彌篤後中時司訓汀州述食餼邑庠子六人俱補博士弟子員嘉靖壬子提學張公希舉

茂名縣志

卷之十二

人物

十

以孝友旌之

綸舊志作倫

李鎧貢生歸化令邦光之子太僕卿邦直姪也家業赫奕而恬淡退讓自守如寒素父有庶子二人以鎧嫡長多予之產倍其弟鎧堅不肯受絲粒必與弟均友愛甚篤歷任教職所至捐俸修學深得士心擢署縣事有惠政歸里杜門雅好義舉捐資建立寶光塔發祥寺太史鄧宗齡作記勒石

國朝黃道行事親常有愉色孺慕不懈父卒於官跣步扶柩數百里哀感路人與兄弟共財歲饑有升斗必

分給不取非義終身足未嘗至公庭鄉評重之年五十七卒

梁時熙歲貢生庠生瑗之子性嚴正砥行勵學事父母以孝聞母早卒當西兵入寇輿父避難跣足追隨逾百里兩事繼母各得其歡修橋梁道路助婚喪人謂其能結善緣時熙曰吾父樂善好施用此以順適親意耳每日必以所行事述於父年六十未嘗一日稍間

余重義諸生幼失怙奉母杜養葬盡禮兄仲客死西

粵重義挈喪歸撫孤朝斌如其子後列子衿士論多之負氣節與人直諒閭黨角忿必爲排釋曾拾遺金百餘於鹿兒橋久候無返覓者俄一人泣至詰得實悉還之其廉節類如此年八十卒

劉高捷性孝友親病衣不解帶喪祭盡禮生平誠慤敦厚不識人世詐險遠近翕然善之郡守羅麗宸延鄉飲廩年六十三卒

劉聯甲性孝友兄弟九人一堂怡順好施與教子三人皆歲薦長士芹行尤高邑令錢公以塏聞聯甲年

德並邵造其廬扁旌仁壽達尊八十六卒

劉朝鼎諸生事親每食必侍喪葬盡禮性醇謹自少至老一言一動未嘗造次與妻吳氏敬如賓年俱八十而卒

黃瓚爲歲貢潯州訓導大成之孫自少以至孝篤友重於鄉里嗜學至老不倦任遂溪訓導師生親如父子不計修儀遂士愛之

黎挺字仲璉庠生性至孝早失怙恃與幼兄形影相依友愛篤摯每諱日哀慕涕泣不自勝遭世亂流離

茂名縣志

卷之十二

人物

十二

卒能艱苦自立建祠堂置祭產調孤恤貧至誠孚於閭里子瑞圖以優行薦秉鐸河源師生親如父子以繼母請養歸至性有父之風挺以子官贈訓導

李麒珍字魯珊歲貢生少失恃事繼母曲得其歡弟雖異出能以至性感喻歸於友愛爲人儉質而樂施與族黨有急難多方調之人咸稱爲長者年八十餘卒

黃隆字鄧庵進士國子丞如栳之父少聰敏好學邑令王公原一見器之代父爲縣功曹史周旋官吏間

義不苟得郡守王公永烈權廉州以隆習吏事招至幕下途次有以五百金請事者却不受然儉積所餘雅喜施與雖累負之不悔也子孫科名蔚起論者以爲好德之報云

李瑄字西白拔貢培芳之長子生五月而母洪氏沒父再娶劉氏生二子愛所生而薄瑄瑄先意承志曲得其歡後二弟就居外氏母獨依瑄晚得疾臥蓐踰年瑄隻身侍雖寒夜惟木橙假寐未嘗就席度母病不起之梅棗市衣衿忽心動不俟舟歸母已死卽號

泣母忽張目視瑄氣徐徐乃絕其至性感通如此劉歿待庶母如劉推私產以贍二弟晚舉明經子伯文學亦有孝行

招鳴禹字瑞貢習儒業以初籍格於應試與兄友恭無間嘗外遊以家業付兄及歸其兄計所負資將以已產償禹泣謝曰兄弟乃如市人計算耶焚其帳不復視雖妻子不知也兄弟俱歿其兄子述所得庭闈密語族黨稱其有卜式分田之風晚與兄同卜葬地屬子孫曰無使吾兄弟百年後相離子景成郡學生

孫曾亦登科名

黃玉佩字厚菴篤學敦行事繼母以孝聞性樂易若不知人世有機械事人對之亦如飲醇自爲諸生時教授鄉里從遊者甚衆以年資充貢晚選陽山訓導諸生愛之三載乞休臨江送別者淚如雨下

招昌韶字光石一字介峰至性過人好施與父母沒養教異母二弟成立視諸子如子歲飢授徒所得資罄振其族子弟能學而貧者助膏火曲成之於友誼久彌篤婚喪仗助忘力之不逮以乾隆庚午副榜貢

茂名縣志

卷之十二

人物

十四

國子學司教陽江縣隸號稱刁縱諸生速訟輒私繫之令弗禁遂爲俗昌韶力爭於令謂待士必以體貌然後可以養廉恥而成風化自此諸生當質者由學牒移遂爲例衿佩士不辱綈縲昌韶力也平居毅然不與俗和光然久炙之無不心折二子元儲郡學生元傳舉於鄉諸孫彬彬鬢序世其學黃梅帥少司寇承瀛誌其墓

李應孫字師持性篤孝自諸生有名於時所爲文由絢爛而歸於自然廉潔不苟得鉛槧之外泊然無營

舉乾隆丁卯賢書辛未成進士年四十四未仕卒子全伍孫日煥皆諸生守其業

梁育賢字壯行別字伯西諸生彩鳳次子少篤孝而溺於學年十七卽資館穀以供菽水歷遭水火橫逆而克自振拔所爲文根柢理要友教士多成名以辛酉副榜晚授教諭英德未任卒二子體咸體恒皆諸生諸孫應元等歲貢在庠者五人曾孫亦多衿佩守其學不衰

邱挺昌事父先意承志以孝聞兄早逝嚴嫂如母撫其孤如子鄉里稱爲長者雀鼠之爭一言而解年九十二卒子俊在庠孫應魁舉賢書皆食其報云

茂名縣志

卷之十二

人物

十五

吳郁文字監熙邑學生生四歲孀母梁擇養爲嗣髫齡卽能將順其母長溺苦於學不問生產旣從馮潛齋謝耳溪兩先生遊歸而訓課其子嚴督之不使一日暫輟嘗曰能讀書者可以無惡也生平嶽嶽爲方不苟取與子徽典郡學生徽敘舉於鄉

周超萬捐職州同早失怙恃教養兩弟成名承父產所息晚十倍無所私己人比之薛包許武弟超倫拔

貢生超萃弟子員子振宇振英以附生充貢

郭大康性孝友家四壁立而義不苟取年八十餘猶  
資館穀以給衣食雖後生少子必折節與爲禮人未  
嘗見其恚怒之色以歲貢應甲子鄉試 恩賜舉人  
年九十卒

### 文苑

李元暢字惟實號雲泉一迪次子少負異才萬歷壬  
子舉於鄉生平不問家產慷慨有大志於孝行尤篤  
偕其配梁奉繼母如所生善詩古文詞與同時姚岳

### 茂名縣志

### 卷之十二

人物

十六

祥陳鑑齊名所著有前後北征吹劍集其名篇如限  
門函谷筆山諸賦載郡志

國朝李培芳號栢峰少負文名以選拔肄業成均翁大  
司成叔元爲時宗工深加賞識爲之延譽有聲都下  
王公原時與同學自嘆弗如及令茂名屢邀不肯謁  
躬造其廬見焉

余麟傑康熙甲午舉人幼聰警多藝能善草書爲文  
揮洒宕逸自諸生時卽爲太守魏公男鄭公梁所賞  
識太史仇滄柱先生至粵一見嘆爲嶺表奇才少宗



伯吳荆山先生評其文云滿胸熱血安得余公共與  
傾倒也未仕卒

梁宣賔字衍蒲以歲貢任三水司訓性孝友好學工  
文研精理窟別有深造與弟雍郎俱以文章行誼著  
鄉里其恬淡之趣蕭然物外發爲詩歌雅有晉人風  
味司鐸日不受陋規一錢惟以古道訓諸生拂衣歸  
里山水自娛於聲利泊如也所著有易通極通二書  
藏於家

蘇李秀本姓李字俊升幼家貧刻苦自勵於書無所

茂名縣志

卷之十二

人物

十七

不窺攬其大旨以滙於性靈爲人不事修飾而務實  
踐舌耕所得絲粒必歸父母與二弟均產惠紅豆先  
生督學時亟賞其文顧提學亦謂嶺表多士無出其  
右以選拔應廷試高第歸里後聚徒講授學者稱爲  
霞滄先生弟歲貢僕亦有學行  
劉談辛卯副榜少穎悟卓犖有大志爲文風馳泉湧  
經史紛綸晚乃刊落精研理窟所著有元關偶啟菽  
帛家言司鐸仁化感恩以窮理格物教諸生秩滿報  
遷知縣未任卒

李正字履端一字省齋性端慤不苟訾笑而飲人以和雖盃夫悍卒爭慕之讀書以躬行實踐爲本而博通經史其講說口如懸河有戴侍中之風爲文頃刻千言不假思索友教六十年殘膏剩馥及門得以速飛甚夥以諸生選拔舉乾隆丙子賢書 賜國子丞年八十四卒子純仁孫祖蔭俱文學

梁康國字懿康聯德嗣子讀書無所拘閔多心得爲諸生高才試輒伏其曹偶不屑屑家人生產性嗜酒當其極飲大醉謔浪皆成文章或以制舉業就正者

茂名縣志

卷之十二

人物

十八

席間口占竄易之他人雖握管苦思不能過舉乾隆乙酉鄉試需次得山東范縣僅半載引疾歸蕭然人事之外杜門著書益以詣微

李位岳字鎮寧年十二卽以五經應童子試弱冠補博士弟子於四子書潛心得其奧爲文以養勝容與蕩漾如風水相遭不假用意友教四十年學者守其說終身不忘乾隆辛卯舉於鄉不仕卒子燕昌明經孫春魁在庠以文世其家

潘江字鑑川厚重寡言而溺苦於學好深思所爲文

鑱刻峭削不襲前人一字於古文宗昌黎制義則力  
追正希文轉常以教門弟子而不能學也居附郭郡  
縣庭無所投刺當官者聞其名或造訪焉七試公車  
不中第晚乃以大挑授教職高明未久卒子鶚初邑  
學生守其業

鄧奇俊字秀千好學能詩工楷法於世味泊如也所  
爲文依附儒先不苟爲炳炳烺烺而秋試屢躋以乙  
酉拔貢晚得永安教諭在職數年不名一錢卒之日  
諸生贈賻以歸其喪士論多之子春元在庠

黃岐字省山工帖括旁及詩古文尤精駢體吳韻雲  
殿撰視學拔郡士四人送省書院岐與弟疑並與焉  
後岐登乙酉選拔疑亦以優行貢成均岐自 廷試  
歸益不懈而及於古王東臯譚古愚兩觀察咸訂文  
字交慶弔紀述之作胥出岐手然操守自凜以故當  
道益雅重之中年而卒子錫冕以明經紹其家學

隱德

明李福祺性篤孝友淡於名利值鼎革初隱居不仕嘗  
親至浦江學禮於義門鄭氏居鄭之養老堂三年則

其要領而歸著爲家法聯族同居充庭無間壽八十餘卒

國朝梁瑗字元玉孝友恬靜樂善好施補郡庠生明季多故郡守呂公之節辟舉賢良辭不就以敦行爲教喜述往事得失迴環諷諭聽者感泣盜入其鄉亦與從容慰諭至群不逞之徒竦然避之年九十四卒  
余華東幼失父母事祖母陳篤孝已所置產以均其弟里有訟必置酒爲之解爭者至相戒曰母累我余君爲也歲租所入計裁自贍餘以周貧乏助喪葬不

茂名縣志

卷之十二

人物

二十

俟其請歿之日鄉人爭助錢修佛事比二祥莫不聚哭其家久猶思之奉爲社主四時祭兩舉鄉飲廩崇正間縣令張鳳翼以周行嘉賓匾其門

周承權恬淡嗜學隸籍電白爲諸生循次當貢捷足者越次得之人勸其自明權怡然曰干祿乃聖門所禁與之辨與之爭也爭而得之甚於干矣遂不應科舉試閉戶探討窮極古今所著有歷代帝王世紀二卷五經蠡測十卷讀史偶得十卷輿圖要畧二卷博議一卷環竹居文集十卷

鄒綱明性嗜學博問強記時遭兵燹之餘典籍散失  
邑令遍求遺志士夫家無存者後得綱腹笥口授隻  
字無忘今之文獻可徵皆綱力也邑令楊旌其閭將  
薦之仕辭不赴闢義塾以教邑子弟捐貲建石陂二  
所鄉里田疇賴其灌溉年九十餘卒太史李象先爲  
作傳  
梁時穆冲雅恬淡一生耻言財利家屢空晏如也無  
論其不營心於非分卽已所應得者亦固却之惟彈  
琴賦詩鋤花種竹以自適庶幾貧而能樂者

茂名縣志

卷之十二

人物

二十一

黃吉士邑諸生讀書而性俠歲荒罄資爲粥於通衢  
以食飢者邑令孫士傑旌以扁曰仁能推食年六十  
卒子大鵬康熙戊子舉人工詩畫未仕卒

李智凝性温厚以孝弟聞淡於利而勤於善人有稱  
貸者必量予之不責券亦未嘗登門索逋也於佃戶  
無所取盈歲歉則蠲其租入縮食爲粥以施蒙袂者  
好讀書人目爲癖五十猶試童子不售子位岳登鄉  
薦孫曾繩繩人以爲陰德教誨之遺云

何泰福有至性其先南海人祖墓千里歲跋涉展祭

以爲常弟病癆瘵將死俗以骨肉傳染戒勿近福曰  
死喪之威兄弟孔懷此言何謂也躬調藥膳床褥間  
弟不起福卒無恙兩從弟貧無子皆命己子爲之後  
經紀其葬祭郭外立鐸茶亭茂嶺諸處崖徑險仄力  
闢之爲大道至今往來稱述然皆縮衣食或稱貸爲  
之喜賦詩作楷鐫川上二字於觀山之麓翁覃溪學  
使賞爲妙趣其胸懷可想見也

吳上佐性仁厚好誦古今格言勸人爲善喜施與子  
登瀛成明經諸孫多在庠人以爲陰德之遺云

程達萬貫萬諸生贈州同世型子以孝友聞父沒兄  
弟五人同居產食指至七十人融融洩洩門無詬誶  
聲達萬邁血疾貫萬代摠家政事必咨啟所經營祠  
墓祀田譜系書塾膏火條理井然皆可爲法鄉里訟  
者貫萬爲居間無不立解達萬國子生貫萬邑弟子  
員達萬三子貫萬五子皆衿佩守其家法

程伯周有樸行好施與不欺然諾邑文士多慕與之  
遊族孫廣賢少聰敏貧不能從師伯周與弟世型資  
之使學後有文名以邑弟子選拔充貢其好善多此

類也

袁徽衿篤孝好施歉歲所賑族鄰及子貸焚券甚衆  
時郡太守改修學先師廟召紳士數人董其事未告  
成而貲盡徽衿與副貢招昌韶各出數百金成之嗜  
學工書所交能文知名士傾筐倒篋不少惜以武生  
捐職衛千總子孫多衿佩曾孫在庠者五人毓瑛以  
選拔貢國子學

梁廷機晚爲邑諸生教諭鍾爾梅訓導饒咨疇以孝  
弟好學薦丁太守亭請於孫補山撫軍以優行可嘉

茂名縣志

卷之十二

人物

二十三

扁其門壽八十餘

附錄

陳世治梅某入隱於畫工康熙庚申海寇洗大鼻劫  
梅某掠人索贖金世治與焉或言於賊賊大喜曰我  
早不知子爲我貌關帝子當歸矣世治曰尋常花鳥  
可耳關帝正直神汝輩賊也瀆明神於惡人吾不能  
百脅之終不爲作遂遇害時有給賊得歸者述其事

如此云

此事久遠然至今梅人  
尚有能道者故附存之